

Universal Declaration of Human Rights - Huastec

© 1996 – 2009 The Office of the High Commissioner for Human Rights

This HTML version prepared by the *UDHR in Unicode* project, <http://www.unicode.org/udhr>.

DHÉY TSALAP ABAL PATAL AN INIK ANI AN UXUM AXI K'WAJÍL TI AL AN TSABÁL

ONU ti al an tamub 1948.

Kom i exiál abal in tujtal an walkadhtaláb, an chubaxtaláb ani an koyataláb ti al an tsabál k'wajat ti al an exlomtaláb k'al patal wawá' tu k'wajíi, in tomnál ki bats'uw jununúl an alwa'taláb.

Kom i exlál abal tam jún yab in exlál jawa' xi péi in uchbíl ani an k'e'atnaxtaláb in t'ajámál ka wa'tsin yani kidháb t'anél ani yan jita' axi odhnámej, ani kom uluwamej abal i ayál juni it tsalap junti ka wa'tsin juni k'ay'lál junti an k'wajíichik yabáts ka xe'tsin k'al i jík'ib mani ka k'wajiy al an tsejwantaltaiáb ani ka k'wajiy walkadh abal kin uluw ani kin belajawa'its jún kin le'na'.

Kom i exlál abal an éyalchik in tomnál kin beletna' ani kin k'aniy an chubaxtaiáb abal an inikechik yab kin yéjenchij kin dhay'k'a'an k'ak'adh pexlál abal ka ats'anchat in káwintal.

Kom i exlál abal in tomnál ki beldha' juni tekedh tsalap abal ka k'ánidháxinchik an kwenchal.

Kom i exlál abal an bichówlom ti al an "Naciones Unidas" in wichk'ómalechik kin uluw abal in kwa'al in alwa' ichích abal kin k'ak'nanchij in éy ani in jalbíl tin putát an inik ani an uxum, ani in ulúmalchik abal ne'etschik kin t'aja' an tsápláb abal ka nixk'in an tsejwantaláb ti al juni walkadhtalá axi lej púlik tin tomnál ki ejtiy.

Kom i exlál abal an kwenchaláb axi k'wajat junkudh in binámál in káwintal abal neéts kin tolmiy an ONU abal kin k'ak'nanchij jawa' in kwa'al tin uchbíl kin bats'uwchik patal an k'wajíl tejé' al an tsabál, ani

kom i exlál abal axe'chik xi uchbidhtaláb in kwa'al lej yan in jalbíl bala ka putuwat jawa' xi tejé' k'wajat uludh:

AN PULIK TAMKUNTALÁB IN ULAL:

Axé' xi tsalap tin k'ánél an inikechik tin putát an tsabál, in lé' abal an kwenchal ani an bichowchik kin t'aja' an tsápláb abal ti al an exóbintalab ka k'ák'náj ani ka putuwat tin puwél an bichow axi k'wajat junkudh ti al an "Naciones Unidas", patal jawa' tejé' jilk'onál uludh.

K'a'al tsalap (art. 1).

Patal an inik ani an uxum u wa'tsinal walkadh abal jununúl kin bats'uw an alwa'taláb ani ka pidhan in éy jant'ini' in tomnál; in kwa'al in tsalpádh ani in k'ayá' abal kin k'anidha' in juntal.

Tsabchíl tsalap (art. 2).

Patal an k'wajíl in tomnál kin bats'uw an uchbíláb jawa' tejé' bijidh, yab in t'ajál max pilchik in káwintal, pilchik in wa'tsintal, pilchik in éy ani in belkaxtal, pilchik in tsalap, max ts'alat ani max pilchik in wal in ot'ól.

Jayetsej yab in tomnál ka k'e'atnáj max pilchik tsalap ani in éy; max k'wajíl al juni kwenchal axi k'wajat abatnadh k'al pil i kwenchal.

Oxchíl tsalap (art. 3).

Patal an k'wajíl in tomnál ka k'ak'nanchat in ejatal, in iniktal, in éy ani an jolataláb abal kin ejtow ka xe'tsin alwa'.

Tse'chíl tsalap (art. 4).

Mani jita' yab pidhach i k'ij abal kin t'ójonhah'jún jita' ani yab kin jalbíy, mani in tomnál ka xe'tsindháj ti nujnéj jant'ini' t'ajchinalchik an ko'nél.

Bo'chíl tsalap (art. 5).

Yab walkadh abal jita' ka tsa'uwat, ka ts'ojbédháj mani ka t'ajchin in tidhéj al juni tsejeltaiáb.

Akakchíl tsalap (art. 6).

Patal an k'wajíl in uchbíl tin kwa'al abal ka pidhan juni exlomtaláb k'al an éyal ti al an kwenchal juntij k'wjíl.

Bukchíl tsalap (art. 7).

Jununúl i jaibíl i kwa'al ti al an abatnaxtaláb, jaxtámits in tomnál junat ku k'ániyat ma ju'támakits ku k'wajiy; ani in tomnál ku jek'ondháj tam jita' kin le'na' tu ku tákchikiy, tu ku k'e'atna' ani jayej max jita' kin le'na' tu odhna' k'al i káw.

Waxikchíl tsalap (art. 8).

Tam ku jolbiyat k'al juni káw, in tomnál abal jilchin i jolát abal ki k'ániy ti bá'.

Beiewchíl tsalap (art. 9).

Mani jita' yab in tomnál ka alk'idh'wik'an mani ka kedhmayat tin kwenchál.

Lajuchíl tsalap (art. 10).

Patal in tomnál ka ats'an k'al an éyal abal ka exóbnanchat in tsalap ani ka exiáj max chubax jolbidh ani max ibáj. An éyal yab in tomnál kin baliy in káwintal abal kin ok'xidh walbiy juni jolbinél.

Lajujunchíl tsalap (art. 11).

1. Patal jita' ka ne'dháj al juni éyaltaláb yab in tomnál dhubatits ka ko'oyat ti pojka, max yabayej elchinenek in jolbíl; ani jayej abal in tomnál ka pidhan i jolát kin k'ániy tin bá'.

2. Yab jita' ka jolbiyat k'al juni t'ajnéj axi tamti wat'ey, yabayejak exladh max pél i jolbintaláb tin altálil mani ti eiéb an kwenchal juntij k'wajíl. Jayétsék'ij yab in tomnál ka punchin juni jolbintaláb axi yab já in bajuwal an t'ajnéj.

Lajutsabchíl tsalap (art. 12).

Yab jita' in tomnál ka takchikat tin iniktal, tin k'alábil, tin k'imá', tin úwil, tin xe'éts mani ka xe'tsindháj k'al i alk'idh káw maní ka t'ajchin in tidhéj. Patal in tomnál ka k'ániyat tam ka le'náj ka t'ajábchin k'al jitákits.

Laju oxchíl tsalap (art. 13).

1. Jitákitsk'ij ne'ets kin epow ka xe'tsin tin kwenchál ani kin punuw in k'imá' ju'támakitsk'ij kin le'na'.

2. Jitákitsk'ij in ejtowal ka kalej ani ka wichiy tin kwenchál ani jayej aba' ani' píl i kwenchal ti k'wajíl.

Lajutse'chíl tsalap (art. 14).

1. Tam jún xe'ets ti aliyáb abal ka odhnáj, ma jawákits tam bichow in tomnál ka pidhan i k'ij abal ka tsink'on.

2. Axé' xi tsalap yab ne'ets ka éyan tam chubax wa'ats juni pulik jolbintaláb ani wa'ats juni k'idháb t'ajnéj axi an "Naciones Unidas" in lé' abal ka taley.

Lajubo'chil tsalap (art. 15).

1. Patal an k'wajil in tomnal ka walkanchat kin ko'oy jun in kwenchal.
2. Mani jita' yab in tomnal ka k'anchin abal kin jalk'uy in kwenchal, max anits tin le'.

Laju akakchil tsalap (art. 16).

1. Tam kin bajuwits in tamub, an uxum ani an inikchik, k'wajat jolat abal ka tomkin ani kin inkiychik juni k'imadh, ka k'wajiyichik ti k'imadh ani max kin bajuwchik ka jilaxin, in tomnalchik ka k'ak'nachik ani ka pidhan jununul in uchbil.
2. Yab jita' in tomnal ka tomkiyat k'al i tsaplab, kom al juni tomkintalab in tomal ka k'wajiyichik kulbel jant'ini'an uxum ani an inik.
3. An k'imadh jats in tujtal an xe'tsintalab, jaxtam an eyal in kwa'al tin uchbil kin k'ak'na', kin beletna' ani kin k'aniy abal yab ka buk'lun.

Lajubukchil tsalap (art. 17).

1. Patal an k'wajil in kwa'al in uchbil kin ko'oy i k'aiab tin kwetemtal ani jayej axi dhey, max anits tin le'.
2. Mani jita' yab in tomnal ka aik'idh takchikinchat in k'alabil.

Lajuwaxikchil tsalap (art. 18).

Patal k'wajat jolat abal kin kwetem ko'oy in tsalapil ani in belkaxtal, ani abal kin t'aja' ani kin tejwamedha'tin k'imani jutamits kin le'na', nixé xi belkaxtalab, tin kwetemtal ani ti mudhel; jayetsej abal kin jalk'uy in belkaxtal tam kin le'na'.

Lajubeléwchil tsalap (art. 19).

Patal jolat abal kin tejwamedha' in tsalap ani in kawintal; axé xi uchbidhtalab jayetsej in ulal abal yab in tomnal ka k'e'atnaj tin ebál in tsalapil; jayetsej abal kin aliy ani kin bats'uw pil i tsalap ani abal kin buk'uw ma jutamakits kin le'na' ani k'ai jawakits tam eyixtalab.

Jun inikchil tsalap (art. 20).

1. Patal jolat abal ka ts'at'ey k'al jawakits tam junkudhtalab abal ka dhey t'ojon ani kin k'aniychik tin ba'.
2. Yab jita in tomnal ka t'ajchin i tsaplab abal expidh ka ts'at'ey al juni dhey t'ojlab max yab in le'.

Jun inikjunchil tsalap (art. 21).

1. Patal an k'wajil in kwa'al tin uchbil ti t'aja' ti eyal ani kin bijiy jita' in kulbétnal ti eyal tin kwenchal.
2. Patal in kwa'ai tin uchbil ka tolmiyat abal kin bajuw ka ulits al an pulik éyaltai{ab tin kwenchal.
3. Tin kawintal an bichow taja'its ti k'wajat in tujtal an éyaltalab. An bichow in tomnal kin bijiy in éyalil ani an éyal kwa'al kin t'aja' jawa'kin uluw an bichow.

Jun iniktsabchil tsalap (art. 22).

Patal an k'wajil in kwa'al tin uchbil kin bats'uw an alwa'talab jawa' ka wa'tsin tin kwenchal ani kin ko'oy jawa' in yéjenchal abal ka k'aputs, abal kin puwedha' in xe'ets ani abal kin yanedha' in exobintal ani kin puwedha' in éy ani in tsalap.

Jun inik oxchil tsalap (art. 23).

1. Patal in uchbil tin kwa'al abal kin ko'oy juni t'ojlab ani abal kin kwetem takuy in t'ojlabil jawa'its in kulbétnal ani in tomnal ka tolmiyat tam yab in kwa'al jutaj ti ka t'ojon.

2. Jununúl in kwa'al in uchbíl ka alwa' jalbinchat in t'ojlábil ani abal yab ka k'e'atnáj.

3. Patal an t'ojnal in tomnál ka pidhan juni alwa' jalbixtaláb axi kin bajuw abal kin bela' in yané'tal ani kin ejtow kin pidha' patal jawa'its in tomnál abal ka alwa' k'wajiy juni k'imádh.

4. Tin yané'l an k'wajíl jolat abal kin junkuw tin bá' abal ka t'ójon ani abal kin k'ániychik in t'ojlábil.

Jun iniktse'chíl tsalap (art. 24).

Patal in kwa'al tin uchbíl abal ka koyóts jun we' ti t'ojnal ani abal ka jalbinchat an koytaláb.

Jun inikbo'chíl tsalap (art. 25).

1. Patal in kwa'al in uchbíl kin ko'oy an alwa'taláb abal kin ejtow kin pijchij in yané'tal, kin iláliy, kin k'ó'onchij in k'imá', ani kin pidha' jawa'its kin yéjenchij; jayetsej in tomnál ka pidhan i tolmixtaláb tam yab kin ko'oy i t'ojláb, tam ka yaw'láts, tam ka jilk'on tsemchidh, tam k'wátits al an yejtsetaláb ani max kin wat'a' juni yajchiktaláb axi kin t'aja' abal yabats kin ejtow ti t'ojnal.

2. Tam t'el'élidh juni mímláb, in tomnál ka alwa' beletnáj, jajá' ani in tsakámil. Patal an tsakam axi ka wa'tsin ti al juni tomkidh k'imádh ani axi ibáj, jayetsej in tomnál jununúl ka k'anidháj.

Jun inik akakchíl tsalap (art. 26).

1. Patal in tomnál in tomnál ka pidhan juni exóbintaláb aik'idh. An k'a'al exóbintaláb in tomnál ka bínáj abal patal. An exóbintaláb tin kwéntaj an t'ojláb, in yéjenchal ka yanedháj; aniyk'ij tin tomnál ka bínáj an exóbintaiáb axi ebálits in alwá'.

2. An exóbintaláb in tomnál kin t'aja' abal jún ka yaney in tsalap ani kin puwedha' in éy jita' axi exóbal; kin k'anidha' in juntál ani kin k'ák'nanchij in tsalápil ani in éy. Jayétsej in tomnál abal kin t'aja' abal kin beldha' an t'ojláb axin t'ajál an ONU abal ets'ey ka wa'tsin an koyataiáb ti al an tsabái.

3. An tatalábchik in kw'al in ejét abal kin takuy an exóbintaláb axin le'nanchal abal in tsakámil.

Jun inikbukchíl tsalap (art. 27).

1. Patal in kwa'ai in uchbíl kin bats'uw an alwa'taláb axi ka wa'tsin ti al an exóbintaláb, kin k'anidha' ani kin beletna' an exóbintaláb.

2. Patal in kwa'al tin uchbíl abal kin k'ániy an tsalap axi alwa' ani patal jawa' in wa'tsindhál an exóbintaláb.

Jun inik waxikchíl tsalap (art. 28).

Patal in tomnál kin ko'oy juni xe'tsintaláb juntij ka ejtowat ka putuwat jawa' axi tejé' jilk'on al uludh al axé' xi dhey tsalap.

Jun inik belewchíl tsalap (art. 29).

1. Patal in kwa'al tin uchbíl ka t'ójon abal kin puwedha' in kwenchál, kom, taja'its tin tomnál ku yeje' ani ki puwedha' ti bá'.

2. Patal jawa' ki le'na', ne'ets ki ejtow ki t'aja'; expidh yab walkadh abal ki odhna' i juntal, abal ki uk'pinchij in tsalap ani abal ki t'ajchij i tsápláb abal ki jalk'unchij in tsalápil, kom max ki t'aja' ani', yabáts i jalpiyalits an káw.

3. Axé'chik xi uchbíláb, yab in tomnál ni jayk'i' kin tomól'na' jawa' in tsalpayal ani t'ajál an "Naciones Unidas".

Jun inik lajuchíl tsalap (art. 30).

Mani jita' kin tsalpay abal axé' xi dhéy tsalap in bínál i k'ij abal ka t'ajan juni pojxastaláb, juntij ka t'apiyat abal ka éyan an uchbíláb jawa' tejé' bijidh al axé' xi dhey tsalap.